

ԻԲ. Գալոյան

ԱԳՆՈՍՏԻՑԻԶՄԻ ՖՈՅԵՐԲԱԽՅԱՆ ՔՆՆԱԴԱՏՈՒԹՅՈՒՆԸ

1. Ֆոյերբախը կարևոր դեր խաղաց իդեալիստական իմացաբանության քննադատության և աշխարհի ճանաչելիությունը մատերիալիստական նոր փաստարկումներով ապացուցելու գործում: Կանտյան ագնոստիցիզմի մատերիալիստական քննադատության առաջնության պատիվն իրավամբ և Ֆոյերբախին է պատկանում:

Օբյեկտի և սուբյեկտի, զգայության և մտածողության փոխհարաբերության մասին Ֆոյերբախի ուսմունքը սերտորեն կապված է աշխարհի ճանաչելիության հարցի հետ: Հակառակ ագնոստիկներ Յումի, Կանտի և նրանց հետևորդների, Ֆոյերբախը ցույց տվեց, որ փիլիսոփայության խնդիրն է ճանաչել օբյեկտիվ ռեալականությունը, որպեսզի «անառակայականը դարձնի առարկայական, անըմբռնելին՝ ըմբռնելի»¹: Սոր համոզմունք ունենալով աշխարհը ճանաչելու մարդկային ունակության անսահմանափակ հնարավորության նկատմամբ, Ֆոյերբախը կտրականապես առարկում է այն մտածողներին, որոնք պնդում են, թե աշխարհը ճանաչելու մարդկային ունակությունն ընդհանրապես սահմանափակ է. «Մի մարդու գիտելիքը սահմանափակ է, բայց սահմանափակ չէ բանականությունը, սահմանափակ չէ գիտությունը, որքանով այն մարդկության ընդհանուր գործողությունն է»²:

Ֆոյերբախը հաստատում է, որ մարդկային իմացությունն անսահմանափակ է, որ իմացության սահմանափակումը հնարավոր է սոսկ պատկերացման և երևակայության մեջ: Ֆոյերբախը մատերիալիստորեն է վերլուծում իմացության զարգացումը. նա իմացության պրոցեսը չի մեկուսացնում օբյեկտիվ իրականության զարգացումից, այն դիտում է էպիստալի փոփոխման հետ շաղկապված:

«Մարդկության պատմությունը ոչ այլ ինչ է, եթե ոչ մշտական հաղթանակ այն սահմանների նկատմամբ, որոնք տվյալ, որոշակի, ժամանակում դառնում են մարդկության սահմաններ... Բայց... կարծեցյալ սահմանները միայն անհատների սահմաններն են եղել»³:

Ըստ ագնոստիկների, բնությունը թաքնվում է մարդուց և չի ենթարկվում նրա ճանաչողությանը: Օրինակ, Յումը գրել է. «Բնությունը մեզ պատկառելի հեռավորության վրա է պահում իր գաղտնիքներից»⁴: Ֆոյերբախը նկատի է ունեցել ագնոստիկների հենց այդպիսի պնդումները, երբ գրել է. «Բնությունը չի թաքնվում — ընդհակառակը, նա կառչում է մարդուն

¹ Л. Фейербах, Избр. фил. произведения, т. I, М., 1955, стр. 98.

² Նույն տեղում, հատ. 2-րդ, էջ 115:

³ Նույն տեղում, էջ 185:

⁴ О. Юм, Исследование о человеческом уме, 1916, стр. 35.

ամբողջ ուժով և, այսպես ասած, անամոթաբարձ¹։ Նա ընդգծում է, որ բնության մեջ չկան այնպիսի երևույթներ, առարկաների հատկություններ, որակներ, որոնք անթափանցելի լինեին մարդու հինգ զգայարանների համար։ Իսկ եթե բնության մեջ լինեին այնպիսի առարկաներ ու երևույթներ, որոնք մենք չկարողանայինք ընկալել մեր զգայարաններով, եթե բնությունը ունենար այնպիսի հատկություններ, որոնք անորսալի լինեին մեր այժմյան զգայարանների կողմից, ապա այդ հատկություններն ու երևույթները իրենց զգացնել կտային իրենց համապատասխանող զգայություններով. սակայն դա չի պատահում, ասում է Ֆոյերբախը։ «Մարդու մոտ հենց այնքան զգայարան կա, որքան անհրաժեշտ է, որպեսզի նա աշխարհն ընկալի նրա ամբողջականությամբ, նրա ընդհանրություն մեջ»²։ Մենք ոչ մի հիմք չունենք երևակայելու, որ եթե մարդ ունենար ավելի զգայարաններ կամ օրդաններ, ապա նա կարող էր նաև ճանաչել բնության ավելի շատ հատկություններ կամ իրեր»³։

Մեղքերելով այս դատողությունը, Վ. Ի. Լենինը ընդգծել է. «Կարևոր է ագնոստիցիզմի ունեմ»⁴։

Աշխարհի և նրա օրինաչափության ճանաչման հիմնական երաշխիքը, հիմնական պայմանը Ֆոյերբախը համարում է այն, որ մեր մտածողության օրգանը ուղեղը, հանդիսանում է նյութական աշխարհի մասը, ուստի մտածողությունը, որպես ուղեղի գործունեություն, չի կարող լինել սահմանափակ այն մատերիայի ճանաչման մեջ, ինչի արդյունքն է նաև Ուստի ժմտածողությունը, որպես իրական էակի գործունեություն, ինչպես կարող էր չընդգրկել իրական իրերն ու էակները»⁵։ Այդ կարող է պատահել այն ժամանակ, ասում է Ֆոյերբախը, երբ մտածողությունը կտրում ենք մարդուց և վերածում մերկ արստրակցիայի։

Սոր հավատ ունենալով իրերը ճանաչելու մարդկային ունակության նկատմամբ՝ Ֆոյերբախը հանգեց այն ճիշտ հետևության, որ մարդկային իմացությունը վերջնական ավարտման երբեք չի կարող հասնել. «Իմացության ուժը թվում է նույնչափ անսահմանափակ, որչափ և ինքը՝ ճանաչելի նյութն է»⁶։ Ֆոյերբախի այս միտքը մի կողմից՝ ցույց է տալիս մարդկային իմացության անվերջությունը, նրա ամենագործունե օբյեկտիվ ռեալականությունը ճանաչելու մեջ, իսկ մյուս կողմից՝ իր մեջ բովանդակում է այն հարցի պատասխանը, թե ինչու մարդկային իմացությունը չի կարող սպառել նյութական աշխարհի ճանաչողությունը։ Երա պատճառն այն է, որ կեցությունը ավելի հարուստ է, քան գիտելիքը, կեցությունը գիտելիքի հիմքն է»⁷։

Այստեղից բխում է, որ մարդկային գիտելիքները, ծագելով կեցությունից, հանդիսանում են նրա աղեկվատ արտացոլումը մարդու գիտակցության մեջ։ Եվ ապա, մարդկային գիտելիքները որքան էլ խոր և ճշգրիտ արտացոլեն օբյեկտիվ կեցությունը, երբեք չեն սպառի այն, քանի որ կեցությունը անսահմանորեն հարուստ է։ Այն նախ որ ունի այնքան բազմաթիվ կող-

¹ Л. Фейербах, т. II, стр. 603.

² Նույն տեղում։

³ Նույն տեղում, էջ 632—633։

⁴ В. И. Ленин, Философские тетради, стр. 64.

⁵ Фейербах, т. I, стр. 199.

⁶ Նույն տեղում, էջ 335.

մեր ու առանձնահատկություններ, որոնց բացահայտումը հնարավոր չէ գիտելիքների տվյալ մակարդակի պայմաններում, իսկ մյուս կողմից՝ կեցութունը անընդհատ փոխվում ու զարգանում է, և դրա հիման վրա զարգանում ու խորանում են մարդկային գիտելիքները, մարդու իմացական ունակությունները:

Փոյերբախը ճիշտ հասկացավ, որ մարդկային իմացության ձգտման և բնության հարաճուն զարգացման միջև կա անվերջ հակասություն: Սակայն Փոյերբախը, ընդունելով տվյալ հակասության գոյությունը, այն չձևակերպեց որպես մտավոր զարգացման Վելխավոր լծակ: Այդ հակասության դիալեկտիկական բացատրությունը տվեցին մարքսիզմի կլասիկները:

Ֆր. Էնգելսը գրել է, որ «մարդիկ կանգնած են հակասության առաջ. մի կողմից՝ նրանց առաջ խնդիր է դրված սպառիչ կերպով ճանաչել տիեզերական սիստեմն իր ընդհանուր կապակցությամբ, իսկ մյուս կողմից՝ թե իրենց սեփական բնությունը և թե՛ տիեզերական սիստեմի բնությունը նրանց հնարավորություն չեն տալիս երբևէ լիովին լուծելու այդ խնդիրը: Իսկ այս հակասությունը ոչ միայն այդ երկու գործոնների՝ տիեզերքի և մարդու բնության մեջ է, այն ամբողջ մտավոր առաջադիմության գլխավոր լծակն է կազմում...»: Եվ այդ հակասությունը լուծվում է շարունակաբար՝ մարդկության առաջընթաց զարգացման շնորհիվ:

Փոյերբախը ճիշտ մատնանշեց, որ մարդկային միտքը անընդհատ խորանում է, իմացության մի աստիճանից անցնելով մյուսին, որ գիտության տվյալները միշտ հաստատվում ու լրացվում են հետագա սերունդների կողմից, սակայն օբյեկտիվ ռեալականության արտացոլման պրոցեսը նա չդիտեց որպես դիալեկտիկական պրոցես, որպես հակասությունների առաջացման և նրանց լուծման հավերժական պրոցես: Այդ պատճառով էլ նա ի վիճակի չեղավ բացահայտելու բացարձակ և հարաբերական ճշմարտության դիալեկտիկական փոխհարաբերությունը. այդ մասին նրա մոտ ոչ մի հիշատակում չկա:

Այսպիսով, Փոյերբախը, ազնոստիկական իմացաբանության դեմ մղած պայքարում հենվելով գիտությունների զարգացման տվյալների վրա, ապացուցեց, որ աշխարհն իր էությունում ու բնույթով միանգամայն ճանաչելի է, որ նրանում անճանաչելի ոչինչ չկա, թեև շատ բան կա, որ դեռ չգիտենք, սակայն դրանք անհրաժեշտաբար կճանաչվեն հետագա սերունդների կողմից: Այս կապակցությամբ նա հիշատակում է 'հալիլյի խոսքերը՝ ուղղված Կոպեռնիկոսին. «Օհ, եթե դու կենդանի լինեիր և տեսներ նոր լրացումներն ու ապացույցները քո սիստեմի վերաբերյալ,— որպիսի երանություն կքաղեիր նրանցից»: Եթե Կոպեռնիկոսը մահվան մահճում խորապես ցավիլ է, որ իր ողջ կյանքի ընթացքում ոչ մի անգամ չի տեսել Մերկուրի մոլորակը, ապա այժմ,— նշում է Փոյերբախը,— աստղագետները այն տեսնում են ամեն վայրկյան. «Այսպես, ապագան բուժում է անցյալի տառապանքները»: Հետևապես, այն բոլոր հարցերը, որոնք անիմաստ չեն, այլ արժեք ու նշանակություն ունեն մարդկության համար, պատմական զարգացման ընթացքում անհրաժեշտաբար գտնում են իրենց լուծումը: Ուստի այն, ինչ չի լուծում ներկան, կլուծի պատմական ապագան: Այս է Փոյերբախի հետևությունը:

¹ Ֆ. Էնգելս, Անտի Դյուրինգ, 1952, էջ 47:

² Մ. Փոյերբախ, Կ. 1, ժող. 355.

³ Նույն աղբյուր, էջ 355—356:

Ֆոյերբախը ճիշտ ըմբռնեց այն փաստը, որ իմացութեան զարգացումը առանց արտաքին աշխարհի երբևէ հնարավոր չէ: Նա իմացութեան զարգացումը դիտեց օբյեկտիվ պայմանների զարգացման փոփոխման սերտ կապի մեջ: Ուստի իմացութեան և իրականութեան փոխադարձ կապի մատերիալիստական ըմբռնումը նա համարեց աշխարհի ճանաչելիութունը հաստատող կարևոր պայմանը: Հակառակ իդեալիստների ու ագնոստիկների, որոնք իմացութեան զարգացումը կտրում են նրա օբյեկտիվ ունի հիմքից ու վերածում արքայությունի, Ֆոյերբախը գրել է. «Ես, ընդհանրապես, անպայման հերքում եմ բացարձակը, աննյութականը, ինքնարավ մտահայեցողությունը, որն իր նյութը քաղում է իրենից. Ես ընդհանուր ոչինչ չունեմ այն փիլիսոփաների հետ, որոնք հեշտ մտածելու համար փակում են իրենց աչքերը: Ես մտածում եմ զգայությունների, գլխավորապես տեսողության միջոցով, իմ դատողությունները հիմնավորում եմ արտաքին զգայությունների միջոցով ճանաչվող նյութերի հիման վրա, առարկան բխեցնում եմ ոչ թե մտքից, այլ միտքը առարկայից»¹:

Աշխարհի ճանաչելիութեան մատերիալիստական կոնցեպցիան ֆոյերբախին հնարավորություն տվեց բացահայտելու ագնոստիկական հայացքների իմացաբանական արմատների էությունը: Մասնավորապես, քննադատելով կանտյան ագնոստիցիզմը՝ ֆոյերբախը գրել է. «Կանտը թույլ տվեց մի հակասություն, որը նրա համար անխուսափելի էր... կեղծ հասկացավ ու մեկնաբանեց մտածողության դրական-բանական սահմանները: Կանտը այդ սահմանները հասկացավ իրեն ինչ որ սահմանափակում»: Սակայն այդ սահմանափակումը ֆոյերբախը համարում է ինչ որ կամայական բան, որն այդ իսկ պատճառով կարելի է առանց դժվարության վերացնել:

Կանտը, անանցանելի սահման դնելով երևույթների և «ինքնին իրի» աշխարհի միջև, փորձում էր սահմանափակել մեր գիտելիքները՝ ապացուցելով նրանց անզորությունը: Նրա կարծիքով, եթե գիտությունների բնագավառը գիտակցության ապրիորային սկզբունքների օգնությամբ ստեղծված երևույթների աշխարհն է, ապա հավատի բնագավառը այնպիսի, իմացութեան համար անմատչելի, «ինքնին իրերի» աշխարհ է, և այդ թվում աստծու հոգու անմահության, կամքի ազատության աշխարհն է: Ֆոյերբախը հերքեց Կանտի այդ ագնոստիկական ըմբռնումները: Սակայն նա անպատասխան թողեց այն հարցը, թե ինչու Կանտը սահմանափակում է բանականության սահմանները, ինչու նա նվաստացնում է գիտությունը, ինչու նա տեղ է մաքրում հավատի համար: Ֆոյերբախը բացատրեց միայն այդ ըմբռնման իմացաբանական արմատը և այն տեսավ բանականությունը նյութական իրականությունից կտրելու սուբյեկտիվ-իդեալիստական մոտեցման մեջ: Նրա տեսադաշտից վրիպել է Կանտի ագնոստիկական հայացքի դասակարգային էության լուսաբանումը: Այդ հարցի սպառնիչ վերլուծությունը տվեցին մարքսիզմի կլասիկները:

Կանտի ագնոստիցիզմը պայմանավորված էր XVIII դարի Գերմանիայի սոցիալ-դասակարգային պայմանների շուրջահասկություններով: Կանտի իմացութեան տեսության նպատակը ոչ թե գիտության հիմքերի ամրապնդումն էր, այլ գիտության հաշտեցումը կրոնի հետ: «Ինքնին իրի» անճանաչելիության իդեան Կանտի փիլիսոփայության մեջ դարձավ կենտրոնական, որի շուրջը ըստ

¹ Фейербах, т. II, стр. 17—18.

էութեան պատուեց նրա Վանտը ստանացեանդեհնտալ՝ փիլիսոփայութիւնը: Այդ իդեան Վանտը վերջին հաշիւով զարգացրել է այն նպատակով, որպէսզի հաշտեցնի մատերիալիզմը իդեալիզմի հետ, գիտելիքը՝ հավատի հետ, պիտութիւնը՝ կրոնի հետ: «Ես հարկադրված էի սահմանափակել գիտութեան բնագալտը՝ որպէսզի տեղ տայի հավատին»¹:

Հենց այդ նկատառումով էլ Վ. Ի. Լենինը գրել է. «Վանտը նվաստացնում է իմացութիւնը, որպէսզի տեղ մաքրի հավատի համար,— Հեգելը մեծարում է իմացութիւնը, հավատացնելով, թէ իմացութիւնն աստծու իմացութիւնն է: Մատերիալիստը մեծարում է մատերիալի, բնութեան իմացութիւնը՝ աստծուն և նրան պաշտպանող փիլիսոփայական սրիկայախմբին ուղարկելով աղբանոց»²: Լենինի այս խորիմաստ բնութագրումից ակնհայտ երևում է, որ ազնոստիցիզմը, իդեալիզմն ընդհանրապէս, ծագելով մարդկային իմացութեան թլուր ըմբռնումից, տանում են դեպի տերտերականութիւն և դառնում ուսակցիալի հոգեոր գործիքը: Եվ իրոք, եթէ օրյեկտիվ աշխարհը անճանաչելի է, եթէ գիտութիւնը անխարոզ է բացահայտել ուսակցիական օրինաչափութիւնները, նշանակում է մարդիկ պարզապէս զրկվում են աշխարհը գիտակցաբար վերափոխելու հնարավորութիւնից:

Մարքսիզմի կլասիկները, բարձր գնահատելով ազնոստիցիզմի ֆոյերբախյան քննադատութեան արժանիքները, նրա մատերիալիստական մեկնաբանութիւնները, միաժամանակ մատնանշել են թուլ կողմերը: Փ. Էնգելսը գրել է. «Փոյերբախի լրացուցիչ մատերիալիստական առարկութիւններն ավելի սրամիտ, քան խորամիտ են»: Բհարկե, Էնգելսի գիտողութիւնը ամենեւին չի նսեմացնում Փոյերբախի վերը ազնոստիցիզմի քննադատութեան հարցում, այլ բացահայտում է նրա թերի լինելը:

Էնգելսը նկատի ունի նախ՝ այն հանգամանքը, որ Փոյերբախը ազնոստիցիզմը քննադատեց ոչ թէ դիալեկտիկայի, այլ զլիսավորապէս մետաֆիզիկայի տեսանկյունից: Եվ ապա՝ Փոյերբախը իդեալիզմի և կրոնի քննադատութեան կենտրոնում գրեց մարդկային սեռը:

Այսպիսով, Փոյերբախը, թեև իդեալիստական, սեռ-ին հակադրեց մարդկային պրակտիկան ընդհանրապէս, որ անկասկած, դրական նշանակութիւն է ունեցնել, սակայն նա չհասավ իմացութեան մեջ հասարակական պրակտիկայի գերի ըմբռնմանը:

Պրակտիկան այն իմաստով, ինչպէս ըմբռնում է Փոյերբախը, իհարկե, ոչ մի մատերիալիստ չի ժխտում, որովհետև իդեալիստների համեմատութեամբ մատերիալիստների տարբերիչ գծերից մեկն էլ այն է, որ մատերիալիստները ելնում են ուսակցիականութեանից, մարդկանց պրակտիկ կյանքից և ոչ թէ արստրակտ մտածողութեանից: Փոյերբախի ժառանգութիւնն այն է, որ նա իդեալիզմի անհեթեթութիւնները ժխտելու համար իբրև փաստարկում առաջ քաշեց պրակտիկան:

Էնգելսը իր «Լյուդվիգ Փոյերբախ» հոշակավոր աշխատութեան մեջ, քննադատելով ազնոստիկներին և պաշտպանելով մատերիալիստական դրուլթը մեր գիտելիքների ստուգման մասին, նշել է, որ ազնոստիցիզմի ամենավճռական հերքումը պրակտիկան է, այն է՝ էքսպերիմենտը և արդիւնաբերու-

¹ И. Кант. Критика чистого разума, издание 2-е, 1915, стр. 18:

² В. И. Ленин, Философские тетради, стр. 166.

³ Փ. Էնգելս, Լյուդվիգ Փոյերբախ, էջ 14:

թյունը. «Ի՞նչ մենք կարող ենք ապացուցել բնության տվյալ երևույթի ըմբռնման ճշտությունը նրանով, որ մենք ինքներս ենք այն առաջացնում, առաջ բերում այն իր իսկ պայմաններից, բացի դրանից, ստիպում ենք նրան ծառայել մեր նպատակներին, ապա կանտյան անըմբռնելի «ինքնին իրի» վերջը հասնում է»¹:

Պրակտիկան, գիտությունների զարգացման փաստը ամենալավ ապացույցն է ագնոստիցիզմի սնանկությունը ժխտելու և աշխարհի ճանաչելիության մասին մատերիալիստական գրույթի ճշտությունը հաստատելու համար:

Վ. Ի. Լենինը, խոսելով կանտականության մարքսիստական քննադատության մասին, գրել է. «Մարքսիստները (20-րդ դարի սկզբին) կանտականներին և յուրիստներին քննադատել են ավելի շատ ըստ Ֆոյերբախի (և ըստ Բյուխենների), քան ըստ Հեգելի»²: Հասկանալի է, որ Ֆոյերբախյան մատերիալիզմի դիրքերից երբեք չի կարելի տալ ագնոստիցիզմի սպառնիչ լուսաբանումը. այդ հնարավոր է միայն դիալեկտիկական մատերիալիզմի տեսակետից:

Սակայն կասկածից վեր է, որ ագնոստիկական իմացաբանության ֆոյերբախյան քննադատությունը բացառիկ կարևոր դեր է խաղացել, հսկայական չափով օժանդակել է մատերիալիստական իմացաբանության զարգացմանը և այդ պատճառով էլ ըստ արժանվույն գնահատվել է մարքսիզմի կլասիկների կողմից:

Ֆոյերբախի քննադատությունը օգնեց Մարքսին, Էնգելսին, Լենինին և օգնում է այժմյան առաջավոր մտածողներին, բնագետներին՝ ռեակցիոն հոսանքների դեմ մղվող կատաղի պայքարում:

Վ. Ի. Լենինը սուբյեկտիվ իդեալիզմի և ագնոստիցիզմի դեմ մղած պայքարում հաճախ է հենվում Ֆոյերբախի մատերիալիստական գրույթների վրա ինչպես բնության և մատերիալի, ժամանակի և տարածության օբյեկտիվության հարցում, այնպես էլ ագնոստիցիզմի քննադատության հարցում: Լենինը, բացահայտելով Կանտի փիլիսոփայական սիստեմի հակասությունը, նրա րեկիմաստությունը, ցույց տվեց կանտականության «աջ» և «ձախ» քննադատության ողջ էությունը: Ֆիխտեն, նեոկանտականները, մախիստները Կանտին քննադատել են աջից: Նրանք հանդես են եկել ոչ թե Կանտի ագնոստիցիզմի դեմ, այլ ավելի հետևողական ագնոստիցիզմի պաշտպանությամբ: Մախիստները պնդում էին, որ զգայությունը մեր իմացության միակ աղբյուրն է, նրա սահմաններից դուրս ոչինչ չկա: Նրանք ժխտում էին մեր գիտելիքների օբյեկտիվ աղբյուրը, զգայության մեջ տրված օբյեկտիվ ռեալականությունը: Մախին իր փիլիսոփայական հիմնական աշխատությունում՝ «Զգայությունների անալիզ»-ում պնդում է, որ զգայությունները այն «էլեմենտներն» են, որոնցից կազմված է ճանաչելի աշխարհը: Մախի կարծիքով, մեր գիտելիքների օբյեկտը այդ «էլեմենտներն», այսինքն զգայությունների կարգն ու միասնությունն է: Ի՞ժպար չէ տեսնել, որ Մախի տեսությունը ոչ մի էական բանով չի տարբերվում Յուրի մաքուր էմպիրիզմից, հիմնական տարբերությունը տեղի ունեցող դեպքերի մեջ է: Էնգելսնուրը սուբյեկտիվ իդեալիստների մոտ այն է, որ նրանք ժխտում են մեր գիտելիքների օբյեկտիվությունը, պաշտպանում են «մաքուր էմպիրիզմը», պնդելով, որ գիտելիքները ծագում են զգայություններից և նրանց սահմաններից դուրս գալ չեն կարող:

¹ Մարքս-Էնգելս, Ընտիր երկեր, հատ. 2-րդ, 1950, էջ 474:

² В. И. Ленин, Философские тетради, стр. 174.

Կանտականների, մախիստների և ժամանակակից իդեալիստների տեսակետով, մարդու զգալությունները, մտապատկերները, հասկացությունները ոչ թե ունենալ իրերի և առարկաների արտացոլումն են, այլ սխալ պայմանական նշաններ են, սիմվոլներ, որոնք ոչ մի նմանություն չունեն օբյեկտիվորեն գոյություն ունեցող առարկաների հետ:

Մախիստները, պրագմատիստները, պերսոնալիստները, տրամաբանական պոզիտիվիստները և այլ սուբյեկտիվ իդեալիստներ ժխտում են արտաքին նյութական աշխարհի (առարկաների, իրերի, կրեյթիվների) առկայությունը և ենթադրում, որ մենք գործ ունենք սոսկ մեր զգալությունների, պատկերացումների հետ: Սուբյեկտիվ իդեալիստները իրը նույնացնում են նրա պատկերի հետ, ուստի և արտացոլման պրոբլեմը, պատկերի համապատասխանությունը առարկային՝ դուրս է հանվում նրանց փիլիսոփայությունից:

Ազնոստիցիզմը, և ընդհանրապես իդեալիզմը ի սպաս է դրվում շահագործող սեփական զասակարգերի շահերին, որոնք պահանջում են սահմանափակել գիտելիքը, մթազնել աշխատավորական լայն մասսաների գիտակցությունը: Դրանով պետք է բացատրել ազնոստիցիզմի տարածումը արդի բուրժուական փիլիսոփայության և գիտության մեջ, հատկապես գիտության այն ճյուղերում, որոնք անմիջականորեն կապված են աշխարհայացքի հետ: Բուրժուական աստղագիտության մեջ տարածվում է այն հակագիտական հայացքը, ըստ որի հնարավոր չէ լուծել երկրի և մյուս մոլորակների ծագման պրոբլեմը. բիոլոգիայում տիրում է այն գոգման, թե անհնար է լուծել կյանքի ծագման պրոբլեմը: Այդ տեսակետին հարող բիոլոգների «փաստարկումը» կայանում է նրանում, որ գիտությունը չի լուծել և իբր երբևէ չի վիճակի չէ լուծելու կենդանի սպիտակուցի սինթեզի պրոբլեմը: Բուրժուական իդեալիստֆիզիկոսները, ինչպես, օրինակ, Բորը, Հայդենբերգը և ուրիշներ, ֆիզիկայի նվաճումները օգտագործում են որպես «փաստարկում» ազնոստիցիզմի օգտին, փորձում են «ապացուցել», որ այժմ ֆիզիկան հասել է այնպիսի սահմանների, որից այն կողմը հնարավոր չէ իմացության զարգացումը: Այդպիսի սահման նրանց «եսասկետով կլանության» ֆիզիկայի զարգացման ներկա մակարդակն է: Իհարկե, իդեալիստների դատողությունները բնության անճանաչելիության մասին հիմնված են ոչ թե գիտության ավյալների, այլ մոնոպոլիստական բուրժուազիայի շահերի վրա, սրանում է արդի բուրժուական փիլիսոփայության և գիտության մեջ ազնոստիցիզմի լայն տարածման սոցիալական էությունն ու պատճառը:

1923 թ. Վիեննայի սեպտեմբերյան միջազգային կոնգրեսները, որոնք գտնվում էին Մախի ուսմունքի անմիջական ազդեցության տակ, ստեղծեցին, այսպես կոչված, «տրամաբանական պոզիտիվիստներին» կամ «տրամաբանական էմպիրիկներին» դպրոցը: Այդ դպրոցի գլխավոր ներկայացուցիչներ՝ Բերտրան Ռասսելը, Վիտգենշտեյնը (Անգլիայում), Կոննապը և ուրիշներ ժխտում են փիլիսոփայության առարկայի օբյեկտիվությունը, արտաքին աշխարհի գոյությունը բնականապես: Ռասսելի կարծիքով՝ աշխարհը, բնությունը մեր տրամաբանական պատկերացման արդյունքն են: Ինչպես Ռասսելի, այնպես էլ մյուսների համար փիլիսոփայության հիմնական սկզբունքը տրամաբանական ձևի զաղափարն է: Ծրամաբանական ձևի տակ Ռասսելը հասկանում է նախադասության բաղկացուցիչ մասերի միավորման եղանակը, ընդ որում նախադասությունների մեջ բաղկացուցիչ մասերը շարունակ փոխվում են, իսկ ձևը մնում է

անհոփոփու Այս իմաստով ձևերը փիլիսոփայական տրամաբանությունների օրինակներն են: Այդ դատողությունների համաձայն բնությունների վերաբերյալ մեր պատկերացումները բխում են ձևական-տրամաբանական վերլուծությունից: Չբաղվել նախադասությունների ձևերի քննարկմամբ, — ասում է Ռասսելը, — նշանակում է, զբաղվել աշխարհի տրամաբանական ձևի հարցով: Հետևապես, նրա տեսակետով՝ աշխարհի սեպականությունը բխում է պարզ նախադասությունների ֆունկցիաներից:

Պոզիտիվիստների կարծիքով, գիտությունը ճշմարտությունների սխեմա է, իսկ ճշմարտությունները պետք է համեմատվեն նախադասությունների հետ և ոչ թե ռեալ իրականության հետ: Այդ տեսակետի համաձայն մեր իմացությունը օրինակով ճշմարտության նշանակություն ունեցող ստույգ իմացություն չի կարող լինել: Տրամաբանական պոզիտիվիստները, իհարկե, երբեք չեն խոսում «ինքնին իրի» և «անճանաչելիության» մասին. ոչովհետև նրանք նման դատողությունը համարում են «անհեթեթություն»: Սակայն ըստ էության նրանք ժխտում են աշխարհի ճանաչելիությունը, քանի որ քաջասում են մեր գիտելիքների օրինակվածությունը:

Վ. Ի. Լենինը գրել է. «Ֆոյերբախը հերքել է Ավենարիուսի սոֆիզմը (ստոմատիկ դիտողին»), չգիտենալով ընդհանուր պոզիտիվիզմը, բայց լավ գիտենալով իդեալիստական հին սոֆիզմները¹: Լենինի այս փոխուհու գնահատականը սպասիչ կերպով դրսևորում է իդեալիզմի և ագնոստիցիզմի ֆոյերբախյան քննադատության էությունը, Ֆոյերբախի մատերիալիստական ուսմունքի պատմական տեղը, ինչպես նաև նրա նշանակությունը արդի բուրժուական փիլիսոփայության դեմ մղվող պայքարում:

Հակառակ ագնոստիկական իմացաբանություն, Ֆոյերբախը ապացուցեց, որ մարդկային բանականությունն ընդունակ է իր զարգացման մեջ բացահայտելու բնության ամենախոր գաղտնիքները:

Ֆոյերբախը ճիշտ ըմբռնեց, որ մարդկային իմացության ձգտման և բնության հարաձուռն զարգացման միջև կա անվերջ հակասություն, սակայն նա այդ հակասությունը չձևակերպեց որպես մտավոր զարգացման «գլխավոր լծակ»:

Ճիշտ ըմբռնելով իդեալիստական և ագնոստիկական հայացքների իմացաբանական ախտաբանությունը, Ֆոյերբախն անտեսեց դրանց դասակարգային իմաստը: Այն հանդամանքը, որ Ֆոյերբախը մետաֆիզիկ էր և հեռու մնաց հասարակական պրակտիկայի դերի ըմբռնումից, նրան հնարավորություն չտվեց զարգացնել ագնոստիցիզմի իսկական հերքումը: Ագնոստիցիզմի էության կլասիկ լուսարանումը իրավամբ պատկանում է մարքսիզմին:

¹ Վ. Ի. Լենին, Երկեր, հատ. XIV, էջ. 99: